



**Nærøyfjorden
verneområdestyre**

Postadresse

Nærøyfjorden verneområdestyre
Njøsavegen 2
6863 Leikanger

Besøksadresse

Fjordsenteret
5745 Aurland

Kontakt

Sentralbord: +47 57 64 30 00
Direkte: +47 5764 3129

fmvlpost@fylkesmannen.no
www.nasjonalparkstyre.no/naroyfjorden

Trygve Simlenes
Apeltunhaugene 127
5238 Rådal

Sakshandsamar Anbjørg Nornes

Vår ref. 2021/7610-0 432.2

Dykkar ref.

Dato 11.06.2021

Dispensasjon - Nærøyfjorden landskapsvernområde - Lægdene - reparasjon av stølshus - gnr. 133, bnr. 1

Sender vedlagt saksprotokoll med saksframlegg frå Nærøyfjorden verneområdestyre.

Informasjon om klagerett

Vedtaket kan klagast inn for Miljødirektoratet av partar i saka eller andre som har rettsleg klageinteresse med ein frist på 3 veker jf. forvaltningslova §§ 28-29. Klagen skal rettast til Miljødirektoratet, men sendast via verneområdestyret v/sekretariatet, som kan gje nærare opplysningar om klagerett og rett til å sjå saksdokument.

Med helsing

Audun Mo
Nærøyfjorden verneområdestyre

Anbjørg Nornes
verneområdeforvaltar

Dokumentet er elektronisk godkjent

Kopi til:

Statsforvaltaren i Vestland
Aurland kommune
Vestland fylkeskommune
Villreinnemnda for Nordfjella, Fjellheimen og
Raudafjell
SNO Aurland

Njøsavegen 2 6863 LEIKANGER
Vangen 1 5745 AURLAND
Postboks 7900 5020 BERGEN



Utval	Utvalssak	Møtedato
Nærøyfjorden verneområdestyre	47/21	07.06.2021

Nærøyfjorden landskapsvernområde - Lægdene - reparasjon av stølshus - gnr. 133, bnr. 1

Innstilling frå forvaltar

Nærøyfjorden verneområdestyre gjev Trygve Simlenes løyve til å gjennomføra reparasjonsarbeid på stølshuset til gnr. 133, bnr. 1 i Lægdene. Løyvet er gjeve med heimel i verneforskrifta for Nærøyfjorden landskapsvernområde § 3 punkt 1.3 c), og gjeld med fylgjande vilkår:

- Ytterkledning på to vegger av stølshuset kan bytast ut. Ny kledning skal ha same utforming som kledningen som vert bytt ut.
- Vindauga i stølshuset kan bytast ut. Nye vindauge skal ha tilsvarande storleik og utforming som vindauge som vert bytt ut. Det skal ikkje setjast inn fleire vindauge i stølshuset.
- Materiale som vert skifta ut skal takast hand om og transporterast ut av området.
- Transport av materiale til stølshuset i Lægdene skal samordnast med Dee Cunningham sin transport til Snauasete. Transporten vert gjennomført ein dag i tidsrommet 15. juni til 1. juli 2021.
- Det skal sendast rapport med bilde til Nærøyfjorden verneområdestyre etter at tiltaket er gjennomført.

Saksprotokoll i Nærøyfjorden verneområdestyre - 07.06.2021

Handsaming i møte

Vedtak i samsvar med innstilling frå forvaltar.

Vedtak

Nærøyfjorden verneområdestyre gjev Trygve Simlenes løyve til å gjennomføra reparasjonsarbeid på stølshuset til gnr. 133, bnr. 1 i Lægdene. Løyvet er gjeve med heimel i verneforskrifta for Nærøyfjorden landskapsvernområde § 3 punkt 1.3 c), og gjeld med fylgjande vilkår:



- Ytterkledning på to vegger av stølshuset kan bytast ut. Ny kledning skal ha same utforming som kledningen som vert bytt ut.
- Vindauga i stølshuset kan bytast ut. Nye vindauger skal ha tilsvarende storleik og utforming som vindauger som vert bytt ut. Det skal ikkje setjast inn fleire vindauger i stølshuset.
- Materiale som vert skifta ut skal takast hand om og transporterast ut av området.
- Transport av materiale til stølshuset i Lægdene skal samordnast med Dee Cunningham sin transport til Snauasete. Transporten vert gjennomført ein dag i tidsrommet 15. juni til 1. juli 2021.
- Det skal sendast rapport med bilde til Nærøyfjorden verneområdestyre etter at tiltaket er gjennomført.

Saksopplysningar

Dokument som bakgrunn for saka:

- Søknad om reparasjon av stølshus i Lægdene, og helikoptertransport av materiane.
Trygve Simlenes, 18.05.2021

Søknaden vert vurdert etter:

- Forskrift for Nærøyfjorden landskapsvernområde av 08.11.2002
- Forvaltningsplan for Vestnorsk fjordlandskap delområde Nærøyfjorden, rapport nr. 1 - 2008
- Naturmangfaldlova av 19. juni 2009

Trygve Simlenes er eigar av gnr. 133, bnr. 1 i Fresvik i Vik kommune. Han har stølsrett og stølshus i Lægdene. Stølshuset treng oppussing, og han søker om å få løyve til å skifte to vindauger og kledning på to sider av bygget. Kledningen på desse to sidene er dårleg, og vindauga er råtne. For å få lufting i vegg, skal han fore ut vegg. Utbetringa vil ikkje føre til endring av fasade. Det skal nyttast same type kledning og tilnærma same vindauger og same farge.

Han søker om løyve til transport med helikopter av materiale til reparasjonsarbeidet. Transporten skal gjennomførast samtidig med Dee Cunningham sin transport til Snauasete. Transporten er planlagt 16. juni 2021.



Stølshuset til gnr. 133, bnr. 1. Bilde til venstre viser veggen der kledningen og vindauga skal bytast. Foto: Anbjørg Nornes

Lovgrunnlaget.

«Føremålet med Nærøyfjorden landskapsvernområde er å ta vare på eit vakkert og eigenarta natur- og kulturlandskap frå fjord til fjell i eit storfelt isbreutforma landskap med eit mangfald av plante- og dyreliv og der eit kulturlandskap med slåtteteigar, beitelandskap, stølsområde, gardsbruk og kulturminne, skapt gjennom aktiv landbruks-drift, utgjer ein vesentleg del av landskapets karakter» jf. verneforskrifta § 2. Området er verna mot alle inngrep eller tiltak som kan endre eller verke inn på landskapets art eller karakter. Forvaltningsstyresmakta kan gje løyve til «Påbygging, ombygging eller riving av bygningar og anlegg. Påbygging og ombygging skal vera tilpassa landskap og tradisjonell byggeskikk» jf. verneforskrifta § 3 punkt 1.3 c).

Etter naturmangfaldlova (nml.) § 7 skal prinsippa i §§ 8-12 leggjast til grunn ved utøving av offentleg mynde, og det skal koma fram av vedtaket korleis prinsippa er vurdert og vektlagt i saka.

Vurdering

Kulturlandskap med stølsområde og kulturminne er eit av verneføremåla i Nærøyfjorden landskapsvernområde. Det er positivt at grunneigarane set i stand stølshusa. Stølshusa er ein viktig del av kulturlandskapet på stølane. Det er søkt om løyve til å skifte kledning på to vegger og utskifting av to vindauger. I søknaden vert det opplyst at tiltaket ikkje vil føra til fasadeendring. Vanleg vedlikehaldsarbeid på bygningar er ikkje søknadspliktig. I rettleiaren *Kulturminne i områder vernet etter naturmangfaldloven* (M-420, 2015), er vanleg vedlikehald av bygningar omtalt som rutinemessig arbeid for å hindre forfall på grunn av jamn og normal slitasje. Denne saka er meir omfattande, og er difor vurdert som eit søknadspliktig tiltak.

Transport av materiale til stølshuset skal gjennomførast saman med transport til Snauasete, og er vurdert i samband med den saka. Det er innstilt på løyve til naudsynt transport av materiale til byggearbeidet på stølshuset i Lægdene.

Kunnskapen om området er kjent gjennom forvaltningsplan for Nærøyfjorden. Området er del av Fjellheimen villreinområde, og Lægdene ligg innanfor grensa av det som er definert som vinterbeiteområde for reinen. Reparasjon av stølshuset vil ikkje føra til vesentleg auke i



ferdselen til området utover den bruken som er der i dag, og vil difor i liten grad gje auka belastning på villreinområdet. Det er ikkje registrert andre trua eller sårbare artar eller naturtypar (Naturbase 14.05.2021) i stølsområdet i Lægdene. Kunnskapsgrunnlaget jf. nml. § 8 er vurdert som godt for å vurdere denne saka, og føre-var-prinsippet jf. nml. § 9 er difor ikkje vektlagt i saka.

Økosystemtilnærming og samla belastning på verneområdet skal vurderast jf. nml. § 10. Reparasjon og vedlikehald av stølshusa er positivt for verneverdiane. I utkast til revidert *Restaureringsplan for Vestnorsk fjordlandskap, Nærøyfjorden* er Lægdene omtalt som ein støl med eit godt bevart kulturmiljø med fjellbeite og stølshus. Stølshusa er av ulik tilstand der nokon er godt bevart medan andre vil ha trong for istandsetting. For å bevare dei kulturhistoriske verdiane på stølen, er det viktig at stølshusa vert sett i stand etter antikvariske retningslinjer. Reparasjon av stølshuset til Simlenes er vurdert som eit tiltak som er positivt for kulturmiljøet, og vil ikkje gje auka belastning på økosystemet.

Det er planlagt utføring av veggen for å gje lufting av veggen. Utføringa vil ikkje gje vesentlege endringar på fasaden på bygget. Nye vindauga skal ha same utforming som vindauga som var der frå tidlegare. Dette er vindauga utan sprosser. Storleiken på vindauga vil vera tilsvarande som vindauga som er der i dag. Forvaltar vurderer at arbeidsmetoden som skal nyttast for å skifte kledning og vindauga er ein miljømessig bra metode jf. nml. § 12. Tiltaka vil føra til at stølshuset vert tatt vare på, og tiltaka vil ikkje føra til vesentleg fasadeendring.

Nml. § 11 er vurdert som ikkje relevant i denne saka.

Konklusjon

På bakgrunn av vurderingar etter nml. §§ 8-12 og verneforskrifta, vurderer forvaltar det kan gjevast løyve til omsøkt reparasjonsarbeid på stølshuset i Lægdene.